


Fach 75 Nr. 5

Lauban 1343 September 11.
Herzog Heinrich, Herr von Fürstenberg und zu
Jauer verkauft dem Peter von Boraus den
Seiffershauer Wald für 135 Marck

Perg. mit anh: Siegel



Transkription:

Ullrich Junker, Mörikestr. 16 D 88285 Bodnegg

1343 September 11. Lauban.

Herzog Heinrich I. von Jauer verkauft dem Peter von Borau den Seiffershauer Wald für 155 Mark.

In Gotis Namen Amen. Wir Heinrich, von gots genaden, Herczoge von Slezien, Here von Furstenberg vnde czu dem Jawor, tun kunt ewiglich allen den, dy no syn adir werden, daz wir unsem getruwen dyner vnde manne Petir von Borow, Habin vorkouft Recht unde redelich den walt Syfridishow, der gelegin ist szu Hirzberg yn dem wytbilde, boden vnde holcz, vmme andirhalphundirt mark, vmme funf mark dorczu Proguschir groschen Polenschir czal vor vir vnde funfczik hufen, daz sal an tretin, an der Krummenower velt vnde get daz wassir vf, daz do vluczit durch den Syfridishow, vir vnde funfczik hufen breit biz an Luppoldis walt von Vchtericz unde Thiczman Buchis, der do tritt, an den wenyngen Czakun, waz do hangit keyn dem wenyngen czakun, daz ist Luppoldis vnde Thitzmannis, daz andir, teil kein der Krummenow ist Petirs von Borow, dornoch tritt dy gelenge an dem selbin wassir vnde wendit an hern Apetzis walt, von Cedelicz, der do heizit der Cratzberg, dy andir gelenge, tritt ouch an an dem selbin wasser vnde get andirhalp velt obir daz wassir, daz do heizit, der Rosensyfe, wo ym abe get, an der lenge, do sal ym czu gen an der breite, des habe wir an gesen, synen getruwen dinst, den her vns getan hot vnde noch tun sal, vnde habin gelegin vnde lyen von vnsir furstlichen gewalt, den selbin walt Syfridishow yn dem wichbilde czu Hirzberg gelegin Bodem vnde Holcz vor vir vnde funfczik Hufen an der lenge vnde an der breite, daz an tritt an der Krummenower velt vnde get das wassir uf, daz do vlizet durch den Syfridishow vir vnd funfczik hufen breit, biz an Luppoldis walt vnde Thiczman Buchis, donoch tritt dy lenge an, an dem selbin wassir, vnde wendit an hern Apetzis walt von Cedelicz, der do heizit der Cratzberg; dy andir lenge tritt ouch an, an dem selbin wassir, vnde get andirhalp halp velt ubir daz wassir, daz do heizit der Rosensyfe, dem selbin Petir von Borow, allen synen erbin, vnde eryl nochkomelyngen, czu eyne rechten len mit allem Rechte, sundirlich mit vnsem obirsten rechte, dinstis unde geschozzis vry, mit holcze, mit grase, mit weyde, mit wassern, mit vischeryen, mit allem genyze, vnde fruchtberkeit, alz iz gelegin ist yn den vyr Reynen, greniczen vnde gewenden, ane hindernisse geruhet ewitlich czu besitzen, czu vorkoufen, czu vorwechsln, czu besetzen, czu habin vnde czu haldin, alz yn allirbequemelichist ist, an eryl nucz czu wenden, Sunderlich, mak her eynen gleser habin vf dem selbin gute wer ouch, daz her daz selbe gut vorkoufte, so sal her iz wedir vndir vns legin, des habe wir desin brif lozen werdin, czu eyner bestetunge defir dinge, mit vnsir wissene vorsigelt mit vnsern Ingesygiln, diz ist geschen vnde deme brif ist gegeben, czu dem Luban, Noch gotis geburt Tusent ior, dryhundirt ior, yn dem dry vnde virczegsten iore an dem nehesten dornstage, noch unsir vrowin tage, als sy wart geboren, Dorczu syn geczuge gerufen, vnde gebetin vnse getruwin man Cunrad von Cedelicz, Luppolt con Vchterich, Syfrit von Russendorf, Heynrich Ryme, Thiczman Buch, Petsch von Landiskrone vnde Bernhart von Waldow, vnse lantschriber, der desyn brif, mit syn selbis handen hat geschrebin vnde gemacht.

Reichsgräfllich Schaffgotsch'sches Kameralamtsarchiv zu Hermsdorf/Kynast Urk. Fach 15 Nr.3. Original Pergament mit dem anhängenden Fußsiegel der Herzogs an rot-grüner Seidenschnur und mit dem Pfauenwedel-Rücksiegel.

im Staatsarchiv in Wroclaw Bestand Archiv Schaffgotsch

Transkription:

Ullrich Junker, Mörikestr. 16 D 88285 Bodnegg

3

Seiffershau Urkunde 1343.doc